

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

CXII.

[urn:nbn:de:bsz:31-122744](#)

tenebris infernalibus ita damnatorum intellectus obscuretur & laedatur, ut officio suo recte & sine intervallis fungi non possit, sed mens pœnarum atrocitate turbata ea in re delectationem & refrigerium capret, quæ suppliciorum potius augmenta conciliat & adserit. VI. Damnatorum cruciatus & dolores longè maximos fore & tantum non intolerabiles, haud diffitemur, sed eos tamen ita comparatos esse, ut meditationi nulli aut intellectus exercitio locum relinquant, prolsus negamus, quam in rem epulonis exemplum illustri nobis documento est, ne de aliis dicamus argumentis, quæ suo loco adducemus. Denique VII. qui in præsenti seculo, ob scortandi aut furandi studium virginis cœsi aut molesto & diurno carceri inclusi fuere; nec non & illi, qui in operis publicis à præsenti lictore perpetuis flagris à peccandi licentia abstrahuntur; ad palatum tamen suum subinde redeunt, nec veteris facile artifici, odii præterea & invidiâ turgidi, obliviscuntur: Quid igitur impedit, quo minus & in infernali ergastulo utrumque simul consistere possit?

CXII. Ad argumentum septimum respondemus, I. Distinguendo inter finem infligendæ poenæ primarium & secundarium. Primarius pœnarum finis non est, delictis terminum, modumque statuere, ne imposterum rempublic. turbulent & publicæ honestati repagula objiciant: sed justitiæ satisfacere & laedendi per peccata petulantiam, quod malum est, malo æquali alio, nempe suppicio compensare. Atque hunc finem sufficit assequi judicem: sicut & DEUS eundem assequitur in damnatis, quantumlibet illi peccent. Peccatum enim & poena peccati simul possunt consistere. At secundarius pœnarum finis est, emendare peccantem, aliosque detergere a peccatis, id est, peccandi, quantum fieri potest, finem facere, judici cumprimis temporali, quin & DEO, in præsenti seculo, ubi per gratiam peccata deponi possunt, intentus: sed qui neque simpliciter ad rō ēnay pœnarum necessarius est, neque etiam in inferno, ubi peccata exuere non licet, & gratiæ locus nullus est, obrineri potest. Edidit equidem anno hujus seculi XLIX. Trajecti ad Rhenum, anonymous quidam, sub literis L. V. libellum, cui titulus est: Specimen refutationis Libri Crellii de Satisfactione Christi; Johanni Jacobo du Bois, Ultrajectinæ Gallo-Bel-

Belgicæ Ecclesiæ Pastori dedicatum , cuius unum opus , unus la-
bor est , defendere : *Jus infligendæ à DEO pœna inniti non damno accepto* ,
quà tali , sed , partim absoluto DEI , in creaturæ domino , partim injuria ex
delicto accepte , prout , si impunita transmittenetur , alia damna post se trahere
posset . Quod singulare & novum hominis Reformati *evangelium* , per-
inde ut alia religionis Calvinianæ *protestantismus* , non aliam ha-
bet originem nisi absolutum voluntatis Divinæ & rerum atque
actionum omnium intuitum antegrediens decretum . Quare de
pœna ratione & indole ita edifferit : *Is qui pœnam infligit , non in-
tendit , nisi per errorem gravissimum , malum ejus , qui punitur , sed primò ter-
rorum & metum , deinde correctionem & conversionem ad meliorem frugem* ,
ejus , qui punitur , & ceterorum , qui simili peccandi habitu tenentur . Crel-
lium , contra quem scribit , incusat : *Gravissime lapsus est , inquiens ,*
*dum putat , pœnam , etiam ex suâ naturâ , respicere posse compensationem dolo-
ris , quem aliquis injuriâ affectus , percepit , & quem ex animo delet per vin-
dictam* . Porro finis pœnarum , inquit , non est propriè satisfactio pro damno
accepto per injuriam , sed propulsatio danni futuri , quod tamen ex priori in-
juriâ & damno per eam accepto , si impunè transmittenetur , ad nos rediret .
Nego enim , leges latas & pœnas iis additas esse , nisi propter bonum aliquod ,
distinctum à pœna nocentis . Vanum est illud axioma , quod quibusdam in ore
est : fiat justitia & pereat mundus . Item : *Is , qui peccavit , ideo non puni-
tur , quia peccavit* . Quæ si vera sunt , aut pœnam non sentiunt da-
mnati , aut non tam ideo sentiunt , quia peccarunt , quam , ne vel
ipſi amplius peccent , vel beati . Quod si propulsatio tantum da-
nni moraliter consecuturi proptiissimus pœnae finis est , quæ dif-
ferentia relinetur inter pœnam Christi satisfactoriam & exem-
plarem Socinianorum ? Pœnam sensisset Eva , vi comminatio-
nis Divinæ falli nesciæ , æternam , si vel sola exitisset & peccasset ,
DEO non ex liberrimâ voluntate medicinam per Filium parante ,
& justissime sensisset ; quo tamen casu & exemplum exularet &
correctio . Absolutum DEO in homines jus esse , nemo negat .
At illud exerceri cum dispendio justitiae nequit . Exeretur
vero , si quemquam , citra intuitum ad delicti antecedentis meri-
tum , pœnis addiceret , & ex merissimâ libertate tam graviter in in-
noxios animadverteret . Solum Servatoris nostri exemplum ,
solventis , quæ non rapuerat , & eis indegens rans dicaciorum patientis , suf-
fici-

sufficienti documento est, peccata in se promereri pœnam illis proportionatam, citra ullum respectum ad exemplum & emendationem, & nisi compensatio peccati fiat per pœnam, condonationem ejus fieri nullam posse. Nam aliás in proprium filium, si aboliri peccatum ex absoluto jure, aut exempli tantum causâ plecti potuisse, non tam crudelis, ut ita loquamur, fuisset D E U S pater; cuius verò non pepercit, sed pro nobis omnibus tradidit illum. Rom. II X. 32. II. Falsa est propositio major in Alberti argumento: *Nulla culpa extenditur ultra sententiam condemnatoriam culpæ ejusdem.* Quoties enim adulter, quoties calumniator, quoties blasphemus ad morem suum redierunt, quamvis id, quo digni fuere, perpepsi supplicium? *Quoties canis revertitur ad suum vomitum & sus lota ad voluntarium lutii?* II. Pet. II. 22. III. Negatur consequentia: *Si judici terreno, delicta punienti, propositus est is finis, ut mediante pœnâ finem velis facere delicti, multò magis DEO, universalij judici, convenit mediante pœnâ finem facere omnis delicti.* Ratio negationis hæc est: quia judex terrenus, ex præcepto Divino, quousque patet janua gratiæ, ita compensare delicta pœnis tenetur, ut tamen quemlibet, si fieri possit, emendet & Ecclesiæ atque spei vitæ æternæ, quā exciderat, reddat. Hinc supplicia ei delictis ita attemperanda sunt, ut uterque finis, quoad ejus fieri potest, obtineatur. At verò ad hoc utrumque ideo Deus in futuro seculo non obstringitur, quia in illo gratiæ suæ locum ampliorem esse noluit. Ubi verò gratia nulla est, ibi exulat emendatio, & alteri duntaxat fini, eique primario, qui est æqualis justitiæ compensatio, locus relinquitur. Id quod IV. manifesto exemplo lapsus nostri comprobatur. Lex quondam lata fuerat: *quo die ex arbore vetita comederi, morte morieris.* Comederat homo, insequebatur sententia: omni mortis & calamitatis genere in præsenti vitâ morieris, & in futuro seculo æterna. Qua sententia condemnatoria puniebatur præcedens quidem peccatum, ut tamen hoc non obstante, culpa extenderetur ultra latam sententiam & peccata infelix homo peccatis nihilominus cumularet. Nempe nulla lege tenebatur D E U S abolere funditus delicta, postquam homo sua sponte & suapte voluntate meruit malus esse. Ad quod V. hoc minus obligatur in futura vita, quo majori

fco-



scelerum præ Adamo & Evæ numero damnati, deteriorem vitæ suæ conditionem, non meliorem promeruere.

CXIII. Ad argumentum octavum respondemus, I. Per distinctionem: Immutabile aliquid dicitur, duplicititer: vel in se & in radice simul, vel in se solum, non in radice. Quod Metaphysici vocant necessarium vel simpliciter vel ex hypothesi. Immutabile in se & necessarium simpliciter est, hominem esse docilem, quia id ex naturâ hominis per se consequitur. Immutabile autem in se & mutabile in radice est, hominem doctum esse, cum docte disputatione, cum fieri potuerit, ut nunquam erudiretur doctrinâ. Jam verò ad id, ut aliquid laudem habeat & vituperium, sufficit, si mutabile fuit in radice, seu principio, et si in consequenti deinde reddatur immutabile. Sic quamquam, quæ in ebrietate patramus, ex ignorantia, adeoque immutabiliter perpetremus, et tamen ipsa à laude & vituperio ideò aliena non sunt, quia in nostrâ potestate fuerat ipsa ebrietas, ex quâ id, quod ex ebrietate sequitur, merito aestimatur. Limitatâ igitur majore propositione in secundo argumendo: quicquid aliter sese habere nequit, in se simul & in radice seu causâ suâ, id non habet laudem vel vituperium; negatur minor. Quamquam enim voluntas damnatorum, dum sunt damnati, aliter sese habere & corrigi nequeat, causa tamen & principium, ex quo immutabilitas illa contracta est, aliter sese olim habere & corrigi potuit. Quod sufficit ad fundamentum laudi & vituperio præbendum. Si II. major propositio eousque extendatur: Quicquid, suppositâ certâ sed mutabili hypothesi, aliter sese habere nequit, id non habet laudem vel vituperium; tum evidens instantia est Alberto ipse dæmon, qui ante diem extremi judicii immutabiliter peccat, cuius tamen peccatum meritò vituperatur, fatente Alberto. III. Respondet ipse Albertus: *Ad alind dicendum, quod licet corriger non posse statum sue confirmationis in malo, tamen quilibet actus singularis est sibi voluntarius, & ideò vituperatur.* Quemadmodum nec hodie post lapsum mutare possumus necessitatem peccandi, nobis adfidentem, cum simus servi peccati, & venundati sub peccatum, & tamen, quia quodlibet peccatum in particulari voluntarium est, justam reprehensionem effugere non potest. Quare IV. Joh, Cameroni, objicienti:

Num